

Headlines

- केंद्री सेहत मंत्री जे.पी. नड्डा होरें आखेआ ऐ जे अंतरराष्ट्रीय इकजुटता दी भावना वैश्विक सेहत सेवा आस्तै भारत दे नजरिए दा मूल आधार ऐ।
- केंद्री मंत्री प्रहलाद जोशी होरें आखेआ जे भारतीय मानकें गी अंतरराष्ट्री मानकें दा पर्याय बनाना प्रधानमंत्री हुंदा नजरिया ते विचार ऐ।
- प्रधानमंत्री नरेंद्र मोदी होरें बक्ख-बक्ख क्षेत्रें च प्रधानमंत्री गतिशक्ति राष्ट्र मास्ट प्लान लागू करने दी सराहना कीती ऐ।
- ज्योतिरादित्य सिंधिया होरें आखेआ जे 5-जी रोल ओवर कन्नै 2040 तगर अर्थ बवस्था च 450 मिलियन अमरीकी डालर दा निवेश होने दी मेद ऐ।

Nadda-ICDRA

केंद्री सेहत मंत्री जे.पी. नड्डा होरें आखेआ ऐ जे अंतरराष्ट्रीय इकजुटता दी भावना वैश्विक सेहत सेवा आस्तै भारत दे नजरिए दा मूल आधार ऐ। दिल्ली च औषधि विनियामक प्राधिकरणें दे 19में अंतरराष्ट्रीय सम्मेलन दा उद्घाटन करदे होई नड्डा होरें आखेआ जे भारत इस सम्मेलन च छड़ा हिस्सेदार गै नेई ऐ, सगुआं इक मजबूत ते मती लचीली दुनिया दा निर्माण करने आहला हिस्सेदार बी ऐ। उनें आखेआ जे इसदा विषे ऐ सलीकेसिर विनियम-सबबने आस्तै गुणवत्तापूर्ण चिकित्सा उत्पाद प्रदान करना। भारत दी इस मूल मानयता मूजब ऐ जे सीमा, क्षेत्रें, अनुशासन दे पार सहयोग स्थाई सेहत सरबंधी हल आस्तै जरूरी ऐ। नड्डा होरें मेद जाहिर कीती ऐ जे **I.C.D.R.A.** नां छड़ा ज्ञान दे आदान-प्रदान आस्तै सगुआं मुल्लवै बश्कार बेहतर तरीके कन्नै आदान-प्रदान आस्तै बी इक मंच दे तौर पर कम्म करोग। 19में **I.C.D.R.A. 5** रोजा सम्मेलन च **120** रोजा सम्मेलन च **120** थवां मते मुख्य हिस्सेदार ना। एहदे च मुद्दे, सुधारें, म्यारी सेहत उत्पादें तगर पुज्ज ते नमीं तरीकें तगर पुज्ज बगैरा पर चर्चा होग।

Joshi World Standard

उपभोक्ता मामलें दे मंत्री प्रहलाद जोशी होरें आखेआ ऐ जे पिछले 10 बरें च भारतीय मानक ब्यूरो **BIS** आस्सेया लगभग 732 उत्पादें आस्तै 150 थवां मते गुणवत्ता नियंत्रण आदेश अधिसूचित कीते गए ना। नमीं दिल्ली च विश्व मानक दिवस कार्यक्रम दे मौके पर उनें आखेआ जे राष्ट्री मानकें दी अमलावरी गी सरकार आस्सेया पैहली तरजीह दिती गई ऐ। जोशी होरें भारत गी अपनी सर्वोत्तम गुणवत्ता लेई मान्यता दोआने ते भारतीय मानकें गी अंतरराष्ट्रीय मानकें दा पर्याय बनाने आस्तै प्रधानमंत्री नरेंद्र मोदी हुंदा नजरिए गी रेखांकित कीता। उनें एहू बी आखेआ जे सरकार एहू यकीनी करने आस्तै बचनबद्ध ऐ जे मुख्य दे हर नागरिक गी सुरक्षित, भरोसेमंद ते सेई ते उच्च म्यार आले उत्पाद ते सेवा प्राप्त होना। मीडिया कन्नै गल्ल करदे होई मंत्री होरें उपभोक्ताएं सोयां **BIS** मार्क आले उत्पादें दा इस्तेमाल करने दा आग्रह कीता। उपभोक्ता मामलें दे राज्यमंत्री बी.एल वर्मा होरें समावेशी

विकास गी बढ़ावा देने च मानकें दी भूमिका पर लौ पाई ते सरकारें, उद्योगें ते नागरिक समाज बश्कार सहयोग दे महत्व पर बल दित्ता।



E-Migrate Portal

विदेश मंत्री डॉ. एस. जयशंकर होरें अज्ज दिल्ली च **e-Migrant V2.0** वेब पोर्टल ते मोबाइल ऐप दा उद्घाटन कीता। ई माइग्रेट पोर्टल च 2 अशारिया 81 लक्ख पंजीकृत विदेशी रोजगार देने आले ना। डॉ. एस जयशंकर होरें इस गल्ला पर जोर भरेआ जे **e-Migrant V2.0 portal** शुरू करना भारतीयें लेई सुरक्षित ते पारदर्शिता पैदा करना ऐ। उनें आखेआ जे पोर्टल दा नमें सिरेआ तैयार कीता गेदा संस्करण विदेशी मुलखें च भारतीय कर्मचारियें दे अधिकारें ते गरिमा दी रक्षा लेई सरकार दी प्रतिबद्धता दा प्रतीक ऐ। उनें आखेआ जे दुनिया भरै च खरी चाल्ली प्रशिक्षित कर्मचारियें दी लोड पौने आहली ऐ। विदेश मंत्री होरें आखेआ जे पिछले किश बरें च पासपोर्ट जारी करने दी प्रक्रिया दोगुणी होई गेई ऐ।



RBI-Governor

भारतीय रिजर्व बैंक दे गवर्नर शक्तिकांत दास होरें आखेआ जे भारत दा विश्व स्तरीय डिजिटल सरबंधी ढांचा विकसित होई चुके दा ऐ। इस ढांचे नै उच्च गुणवत्ता दे डिजिटल माली उत्पादें दे विकास च सुविधा प्रदान कीती ऐ। उनें आखेआ जे मुख्य हुन दुनिया दे त्रीए महत्वपूर्ण जीवंत स्टार्ट अप सरबंधी तंत्र दा केंद्र बनी चुके दा ऐ। इत्थे इक लक्ख 40 जहार थ्वां मते स्टार्ट अप ते 100 थ्वां मते यूनिकार्न ना। नमीं दिल्ली च आरबीआई 90 उच्च स्तरीय सम्मेलन गी संबोधित करदे होई दास होरें आखेआ जे वैश्विक डिजिटल क्रांति च प्रवेश करने ते उसी सुधारने आस्तै डिजिटल सार्वजनिक ढांचे च भारत दे अनुभव दा लाहू होर दुए मुख्य बी लेई सकदे ना। डिजिटल मुद्रा दे इस्तेमाल पर रिजर्व बैंक दे गवर्नर होरें आखेआ जे केंद्रीय बैंक डिजिटल मुद्रा भुगतान करने दी संभावना रखदी ऐ। उनें आखेआ जे भारत उनें चुनिंदा मुलखें च इक ऐ जिन्नै थोक बिक्री ते खुदरा **CBDC** दौनें दी शुरूआत कीती। दास होरें आखेआ जे एहू प्रणाली क्रिप्टो करंसी कन्नै जुडे दी गंभीर माली चिंताएं पर काबू पाने च सहायक होग। दास होरें बददे दौहार पर बी चिंता जाहिर कीती। उनें आखेआ जे महामारी मगरा **2023** च वैश्विक सार्वजनिक दौहार सकल घरेलू उत्पाद दा **93** अशारिया **2** फीसद होई चुके दा ऐ। इस दौहार दा **2029** तगर सकल घरेलू उत्पाद दा **100** फीसद तगर बदी जाने दी संभावना ऐ।



WPI-September

भारत दी थोक मुद्रास्फीति अगस्त 2024 दे 1 अशारिया 3-1 फीसद थ्वां थोड़ बदिए सितंबर च 1 अशारिया 8-4 फीसद होई गेआ ऐ। उद्योग ते बपार मंत्रालय आस्सेया जारी आंकड़ें मूजब मुद्रास्फीति च बादा खाने पीने आली चीजें दी कीमतें च बादे करी हुंदा ऐ। अगस्त म्हीने खाद्य मूल्य दी मुद्रास्फीति 3 अशारिया 171 फीसद दी जेड़ी सितंबर च बदिए 11 अशारिया 5-3 फीसद होई गेई ऐ। थोक मुल्य

सूचकांक WPI च प्राथमिक उत्पादें आस्तै सालाना मुद्रास्फीति दर सितंबर च बलिए 6 अशारिया 5-9 फीसद होई गई ऐ। पिछले म्हीने दी तुलना च इसदे च 2 अशारिया 4-2 फदसद दा बाद्दा होआ।



Army-Chief

सेना प्रमुख जनरल उपेंद्र द्विवेदी भारत ते जपान बश्कार रक्षा सहयोग गी मजबूत करने आस्तै 4 दिन दे दौरै पर जपान रवाना होई गए ना। रक्षा मंत्रालय नै आखेआ ऐ जे इस यात्रा दा मकसद दौनें मुखें दी सेनाएं बश्कार सैन्य सहयोग गी मजबूत करना ते सहयोग दे नमें रस्ते तलाशना ऐ। सेना प्रमुख होर इचिंगया च जपान दे रक्षा मंत्रालय दे वरिष्ठ सैन्य नेतृत्व कन्नै मलाटी करडन। चर्चा दा मकसद भारत ते जपान बश्कार मजबूत सैन्य सहयोग गी बढ़ावा देना ऐ। सेना प्रमुख इचिंगया च रक्षा मंत्रालयद दे स्मार्क पर श्रद्धांजलि भेंट करडन ते उनेंगी जपान ग्राउंड सेल्फ डिफेंस फोर्स आस्सेया गार्ड ऑफ ऑनर दित्ता जाग।



Modi-PM Gatishakti

प्रधानमंत्री नरेंद्र मोदी होरें बक्ख-बक्ख क्षेत्रें च प्रधानमंत्री गतिशक्ति राष्ट्र मास्टर प्लान लागू करने दी सराहना कीती ऐ। एह विकसित भारत दे संकल्प गी पूरा करने च मदद करा'रदा ऐ। मोदी होरें प्रधानमंत्री गतिशक्ति दे शुभारम्भ दी त्री बरेगंड उप्पर कल नमीं दिल्ली दे भारत मंडपम च प्रधानमंत्री गतिशक्ति अनुभूति केंद्र दा निरीक्षण कीता। प्रधानमंत्री नै एक जिला एक उत्पाद अनुभूति केंद्र दा बी दौरा लाया। उनें मुखें दे बक्ख-बक्ख जिलें दे उत्पादें दे चयन ब्रैंडिंग ते उनेंगी बढ़ावा देने च मदद करने दी इस पैहल दी बी सराहना कीती। प्रधानमंत्री गतिशक्ति के माध्यम से संबंधित मंत्रालयें ते विभागें च कोयला, स्टील, बंदरगाह, खाद्य ते सार्वजनिक वितरण प्रणाली जियां अर्थ बवस्था दे महत्वपूर्ण क्षेत्रें दे खीरी छोर तगर कनेक्टिविटी कन्नै सबरंधत 156 ढांचागत बित्थें दी पंछान कीती गई ऐ।



Global-Symposium

केंद्री संचार मंत्री ज्योतिरादित्य सिंधिया होरें आखेआ ऐ जे भारत नै छडे 22 म्हीनें च सारे राज्यें ते केंद्र शासित प्रदेशें च 80 फीसद अबादी गी आनदे होई 5-जी दूर संचार सेवा शुरू करी दित्ती ऐ। नमीं दिल्ली च 5मीं वैश्विक मानक संगोष्ठी दे उद्घाटन सत्र गी संबोधित करदे होई सिंधिया होरें आखेआ जे 5-जी रोल ओवर कन्नै 2040 तगर अर्थ बवस्था च 450 मिलियन अमरीकी डालर दा निवेश होने दी मेद ऐ। वैश्विक संगोष्ठी बारै च मंत्री होरें आखेआ जे एह वैश्विक संवाद आस्तै इक थम्म आला लेखा कम्म करोग तां जे मानकें पर आम सहमति बनाई जाई सकै। मंत्री होरें आखेआ जे दुनिया टेक्नोलॉजी ते नवाचार च इक आदर्श बदलाव दिक्खा रदी ऐ ते इस करी मानकें, विनियमों दी अवधारणा मती महत्वपूर्ण होई गई ऐ। उनें आखेआ जे पैहली बारी विश्व दूर संचार मानकीकरण सभा WTSA भारत च आयोजित होआ करदी ऐ। इस कार्यक्रम च हिस्सा लैने आस्तै 100 थ्वां मते मुखें दे नेता नमीं दिल्ली च मजूद ना।

Congress Statehood

जम्मू-कश्मीर कांग्रेस दे प्रधान तारिक हामिद कर्रा होरें अज्ज आखेआ जे केंद्र शासित प्रदेश च उमर अब्दुल्ला हुंदी अगुवाई आहली औने आहली सरकार च मंत्रालय दे पदें दी तलाश कोला मता जरूरी ऐ राज्य दी बहाली, जमीनें दे अधिकार ते नौकरी सरबन्धी मुद्दें। उनें आखेआ जे असें अजे अपने सहयोगी एन.सी कन्नै मंत्रालय दी बंड बारै कोई गललबात नेई कीती ऐ। उनें आखेआ जे कांग्रेस ते एन.सी दवैं इंडी गठबंधन दे हिस्सा न ते जिंदा मकसद मुल्लख थमां नफरत दी राजनीति गी खत्म करना। शपथ ग्रहण समारोह च राहुल गांधी हुंदी शिरकत बारै पुच्छने उप्पर उनें आखेआ जे इदे बारे च अजे कुछ आखना ठीक नेई ऐ कीजे एहू उंदी उपलब्धता ते उंदे शैड्यूल उप्पर निर्भर करदा ऐ। नेशनल कांफ्रेंस ते कांग्रेस नै कट्टे रलियै एहू चुनां लड़ेआ हा जेदे च एन.सी 51 सीटें उप्पर ते कांग्रेस 32 सीटें उप्पर चुनां लड़ी ही। इस चुनां च नेशनल कांफ्रेंस गी 42 सीटां, बीजेपी गी 29, कांग्रेस गी 6, जेकेपीडीपी गी 3 सीटां हासल होइयां हियां।



SC-LG

सुप्रीम कोर्ट नै अज्ज जम्मू-कश्मीर दे उपराज्यपाल गी जम्मू-कश्मीर विधानसभा च 5 विधानसभा सदस्यें गी नामाकित करने दी शक्ति गी चुनौती देने आहली याचिका खारिज करी दित्ती। जस्टिस संजीव खन्ना ते पी.वी संजय कुमार दी पीठ नै आखेआ ऐ जे ओहू इस मामले दी सुनवाई नेई करंगन ते याचिकाकर्ता गी आखेआ जे ओहू पैहले जम्मू-कश्मीर ते लद्दाख दी हाईकोर्ट च संपर्क करै। जम्मू-कश्मीर विधानसभा च 90 चुने गेदे सदस्य ना। 2019 दे जम्मू-कश्मीर पुनर्गठन अधिनियम च विस्थापित कश्मीरी लोकें ते पाकिस्तान दे नजैज कब्जे आले कश्मीर दे लोकें दा प्रतिनिधित्व करने लेई उपराज्यपाल आस्सेआ 5 होर विधायकें दा नामांकन कीता गेआ हा।



India-WTSA 2024

भारत कल नमीं दिल्ली दे भारत मंडपम च अंतरराष्ट्री दूर संचार संघ दी विश्व दूर संचार मानकीकरण सभा WTSA दी मेजबानी करग। प्रधानमंत्री नरेंद्र मोदी होर इस कार्यक्रम दा उद्घाटन करडन। भारत पैहली बारी एहदी मेजबानी करा'रदा ऐ। मोदी होर इंडिया मोबाइल कांग्रेस दा बी उद्घाटन करडन।



Constitution-Campaign

केंद्री संसदीय ते अल्पसंख्यक मामलें दे मंत्री किरण रिजिजू होरें ऐलान कीता ऐ जे 26 निवंबर गी भारती संविधान दी 75मीं बरे गंड उप्पर मुल्लख भरै दे ग्राएं च संविधान सरबन्धी अभियान चलाया जाग। कल छत्रपति शिवाजी नगर च मीडिया आहलें कन्नै गल्लबात करदे होई रिजिजू होरें हर जिले च संविधान भवन दे निर्माण लेई सरकार दी पैहलकदमी उप्पर लो पाई। रिजिजू होरें डॉ. बाबा साहब अंबेडकर हुंदे आवास दा बी दौरा लाया।

